

桓仁縣志

龍光斗
署



第四冊
卷十三 卷之十七
宗教志 雜錄志
卷十四
人物志
卷十五
兵士志
卷之十六
藝文志

宗教志卷之十三

佛教


道教

回教

耶穌教

天主教

理教



宗教志

今有言曰道德所以濟法律之所不及伊昔神道設教
無非以彰善瘴惡福善禍淫為戒律久之奉教者遞
演相傳雖有入主出奴此疆彼界之分然其垂經訓世
藥果明因其所以濟科學之窮示人心之的範圍智愚
賢不肖俾之同趨正軌繫民心揚物化者莫不與政治
並功是以更千百載信億兆人而不能移易者非以其有
補於世道人心乎方今物質競爭道德弁髦人心之壞
烈於洪水猛獸所需宗教矯正之處正殷故憲章所載
許人民信教自由有司教之責者惟有昌明正道納民於

軌物之中其他派列支分聽其各遵所聞各行所知而已

佛 教

佛教自漢始入中國自魏始入遼東桓仁設治初城內即建有城隍廟住持僧滿德其徒明山之徒師廣相傳至今環境別無佛寺卓錫之僧人而明山師廣等披剃之原因又率以稚年病苦父母出之為僧以免其災惟知掃地焚香浮沉終老畧資禪林以餬口其與遁跡空門潛心內典覃研教乘者未可同日語矣以故邑內沙門之宗緒殆將中斷耳

道 教

遼東道流自丁令威化鶴以還有白雲長春真人者生於南宋幼

師王重陽得道元祖聘之時征西域真人以殺為戒元祖是之師而不臣從者十八人四方佈教號邱祖龍門派以後其宗遂行於遼海以東而境內道教相傳始於設治以前縣屬五女山則有太清宮轉山子則有清華觀老道溝則有三清觀其羽客率皆男徒而無女冠其有室家者名曰火居道以陰陽符咒誦誦為事有時亦為富有之家修齋醮作道場皈依即番禺雜俎之所謂大宅道也或謂其派衍張道陵曰正乙境內信奉此教者其數不詳惟各區咸有其信徒云爾

回教

回教亦名天方教以自天方國傳來故名天方國耶今之阿剌伯

也滿洲志云回教自唐宋以後始入中國東部其教宗摩罕默
德惟拜上帝不事多神其意以上帝為造物神之可尊者莫
上帝若即莫造物若也是謂善知識者也其教師曰阿訇其
徒相呼曰訛其教長在本部率兼政權凡婚喪諸禮皆教
長主之儼若官吏焉其食反芻之獸具蹠之禽以其潔不食
猪肉惟其穢也教典有托賴經可蘭經加塞教典俱以教民俾
之輕死生習營業是其長也邑內有回教堂曰禮拜寺一處創
設於民國六年間其始任教長為劉姓繼則楊姓繼則馬姓現
則教長為張樹棠綜合教民男女約百餘人率皆以牧畜屠
沽為業婚姻非其黨不與平居赅赅書回文願其戶主麻之

日教徒相約會聚誦禱而不號召

耶穌教

耶穌教基督教之新教也出於天主經馬丁路德之改革為英國愛爾蘭長老會所分設清季漸暨我國北方而衍遼東特晚其教以上帝為千古不泯之天神萬民皆其子孫崇拜禱念凡人生動息飲食服御交際往還無不有上帝在其側照故其徒博愛慈善無忤無爭桓境自清光緒年間始有傳教牧師率由英丹二國而來在桓仁縣城內建教堂一處在沙尖鎮建教堂一處為教民禮拜之所城內教堂附設教民小學校一班四級學生三十八名男女教

徒共計一百六十人云

天主教

天主教即基督教之舊教也考自明太監鄭和通西洋隨入中國大學士徐光啟奉之後漸流行清光緒初年以法國人宣傳及其末年廼入縣境其教旨同於基督崇上帝闢多神信靈魂斥俑塑惟神權嚴重有階級肅厲之儀歟平等自由之習屬境該教傳入二十餘載初以柔弱之徒資其教餌之以利誘之以餌尚形踴躍庚子歲義和團匪突起仇教僂徒燬宇丁男妙女多遭浩劫雖大道不恤於魔而摧殘軋轢上帝無靈現縣城僅餘教堂一所

該教徒男女共計不及百人亦無禮拜其傳教神甫常駐於奉天省城歲或一至亦無真詮精諦以示乎衆宜其不振也蓋耶穌教止信其人而天主教則必兼信其家故其教徒視奉耶穌教之人數不加少焉

理教

理教以南海聖宗佛為皈依並祀開山羊祖及董尹諸先師亦即道教之別派也其旨為戒煙酒而不齋戒沐浴在理當事者雖不居宗教之名而曰善門然其假信神道籠絡人心則不能外焉教長曰領正隨地筮日而行禮拜聚會以飲茶相矜誦信徒羅拜曰求順醮食而散縣境該教

信徒於民國十三年則有徐文輅孫桂堯杜楷蘇尚言等
在縣城西門外租賃房屋創煙戒煙酒分會及在理公所
所有信徒不下千人散在各區其負籠托鉢走以傳道者
亦實繁有徒云

人物志卷之十四

清薦紳表

民國薦紳表

勲舊

循良

鄉宦

鄉型

鄉老

孝友

節烈

文學

藝術

流寓

方外

人物志

宣聖起而闕里榮亞聖生而鄒嶧顯名區勝地每借奇人
偉士之休光而其美愈彰桓仁雖僻在邊陲然羣山競
秀衆水輸靈瑞氣所鍾發為嶽奇剛毅之氣其品節
可風行為可採者實有其人而求之簡編乃不獲概見其
或者懷潔之士不喜人聞抑亦文獻無徵精華就歇
而穎特壞異之流率皆潛蹤林壑遂致與草木同腐
沒世無稱良可慨矣至於服政有聲事親克孝是固
天職所在弗冀表彰而或履險如夷茹荼若飴苦心
孤詣踴躍羣倫為人之所不能為即為天之所不能限

此而不傳奚存紀綱故僅就訪求所得列序如左斯不
徒為表揚潛德之具世有觀風問俗者亦庶幾得所
助云爾

清薦紳表

姓	名次	章科	第	履	厯	住	址
江煥章		光緒十七年辛卯科舉人					
袁樹茲	霖普	光緒二十八年庚子壬寅恩正併科舉人留直知縣現任天津道尹				縣城南關	
李廷椿	壽山	光緒二十五年恩貢例選直隸州州判				南區普樂保	
胡寅賓		光緒二十九年歲貢例選訓導				南區普樂保	
鄭夢蘭		光緒二十九年恩貢例選直隸州州判				北區大荒溝	
邱翰章	雲乙	光緒二十九年歲貢例選訓導曾充局董現任電話局長				城內東門裡	
王化周	子楨	宣統元年恩貢例選直隸州州判曾任縣議會議員長者議會議員				縣城南門	
楊占春	文樵	光緒十九年額補增生曾任勸學所總董				城西如意村	